



TOSHKENT DAVLAT YURIDIK UNIVERSITETI REKTORINING B U Y R U G ' I

24.11.2023

711-tm-son

“Yil talabasi – 2023” respublika tanlovining Toshkent davlat yuridik universiteti bosqichini tashkil etish va o‘tkazish to‘g‘risida

O‘zbekiston Respublikasi Oliy ta‘lim fan va innovatsiyalar vazirining 2023-yil 3-noyabrdagi “Oliy ta‘lim muassasalari talabalari o‘rtasida “Yil talabasi” tanlovini yuqori saviyada o‘tkazish to‘g‘risida”gi 489-son buyrug‘ida belgilangan vazifalar ijrosini ta‘minlash, bilimlarni puxta egallashda hamda jamoat ishlarida yuqori natijalarga erishgan talabalarni qo‘llab-quvvatlash, universitet talabalarining har tomonlama raqobatbardosh kadr sifatida shakllanishlariga shart-sharoit yaratish, intellektual salohiyatini oshirish, iqtidorlarini namoyon etishlariga ko‘maklashish, talabalik nufuzini oshirish, ularni moddiy va ma‘naviy rag‘batlantirish maqsadida

B U Y U R A M A N:

1. O‘zbekiston Respublikasi Oliy ta‘lim fan va innovatsiyalar vazirining 2023-yil 3-noyabrdagi 489-son buyrug‘i ma‘lumot va ijro uchun qabul qilinsin.
2. Buyruq bilan tanlovni o‘tkazish tartibi to‘g‘risidagi nizom, tanlov sxemasi va Tashkiliy ishchi guruh tasdiqlanganligi inobatga olinsin.
3. Toshkent davlat yuridik universitetida “Yil talabasi” respublika tanlovining universitet bosqichi yuqori saviyada tashkil etilsin.
4. “Yil talabasi” respublika tanlovining Toshkent davlat yuridik universiteti (bundan buyon matnda – Universitet) bosqichini yuqori saviyada tashkil etish bo‘yicha Ishchi guruh tarkibi ilovaga muvofiq tasdiqlansin.
5. Ishchi guruh (A.Xashimhonov):
“Yil talabasi” respublika tanlovining mazmun-mohiyatini talabalar o‘rtasida keng targ‘ib qilinishi hamda ularning xabardorligini ta‘minlanishini nazoratga olsin;
tanlovining universitet bosqichini yuqori saviyada hamda shaffof va adolatli tashkil etilishini nazoratga olsin;

tanlovda yoʻnalishlar boʻyicha universitet talabalarining faol ishtirok etishiga alohida eʼtibor qaratsin;

tanlovning universitet bosqichida gʻolib boʻlgan talabalarning tegishli hujjatlarini nizomda belgilangan talablar asosida shakllantirib, belgilangan muddatlarda vazirlikka taqdim etilishini nazoratga olsin;

tanlovda ishtirok etish istagini bildirgan talabalarga tegishli hujjatlarini shakllantirish ishlariga koʻmaklashish uchun masʼul xodimlarni biriktirish choralarini koʻrsin;

tanlov jarayonlarini OAV orqali keng yoritilishini, jarayonlarni internet tarmogʻi orqali toʻgʻridan-toʻgʻri onlayn kuzatib borish imkoni yaratilishini taʼminlasin.

6. Maʼnaviyat va maʼrifat markazi (Sh.Poʻlotov) hamda fakultet dekanlari:

mazkur tanlov mazmun-mohiyatini talabalar orasida keng targʻib qilsin hamda ularga tushuntirish ishlarini olib borsin;

tanlovda yoʻnalishlar boʻyicha universitet talabalarining munosib ishtirok etishlari uchun zarur shart-sharoitlar yaratsin hamda hujjatlarini shakllantirishlari uchun yaqindan koʻmaklashsin.

7. Fakultet dekanlari:

tanlovning fakultet bosqichlarini yuqori saviyada oʻtkazib, unda gʻolib boʻlgan talabalar toʻgʻrisidagi maʼlumotlarni hamda ularning tegishli hujjatlarini universitet ishchi guruhiga oʻz vaqtida taqdim etsin;

tanlovning fakultet bosqichini ochiq-oshkora, shaffof va adolatli oʻtkazilishini taʼminlasin.

8. Buxgalteriya (M.Parpiyev) tanlovning universitet bosqichi gʻoliblarini belgilangan tartibda munosib ragʻbatlantirish choralarini koʻrsin.

9. Devonxona (X.Abdullayev) ushbu buyruqni barcha masʼul tarkibiy boʻlinmalarga yetkazish choralarini koʻrsin.

10. Mazkur buyruq ijrosini nazorat qilishni oʻz zimmasida qoldiraman.

**Yoshlar masalalari va
maʼnaviy-maʼrifiy ishlar
boʻyicha birinchi prorektor**



A.XASHIMHONOV

Toshkent shahar

Kiritildi:

Direktor

SH.PO‘LOTOV



Kelishildi:

Katta yuriskonsult

A.TURSUNOV



Bosh buxgalter

M.PARPIYEV



Moliya-iqtisod ishlar bo‘yicha
prorektor

A.IMINOV

